

Ե. 2. ՆԱԶԱՐԳԱՆ

ԵԳԻՊՏԱԿԱՆ «ՎԱԹԱՆԻ» ԿՈՒՍԱԿՑՈՒԹՅԱՆ «ԶԻՆՎՈՐԱԿԱՆ ԹԵՎԸ»

1875 թ. փաստորեն սնանկ հայտարարված և անգլիական ու ֆրանսիական գաղութարարների կողմից ֆինանսատնտեսապես ստրկացված Եգիպտոսում 1879 թ. սկզբներին հասարակության լայն խավերում դժգոհանքն ավելի ու ավելի էր վերաճում ընդդիմադրական տրամադրությունների: Կրքերը ծայր աստիճանի բորբոքվեցին այն բանից հետո, երբ Նուբար փաշայի վարչապետությամբ գործող «եվրոպական» առաջին դահլիճը որոշեց իբրեւ հանուն խնայողության» բանակից արձակել 2500 սպաների, իսկ մնացածների չվճարված աշխատավարձերի վրա խաչ քաշելով, ռոճիկներն էլ կիսովին ցածրացնել¹: Որոշումը հիմնականում վերաբերում էր բնիկ եգիպտացի, ուրեմն աէթնիկական պատկանելիությամբ ու ծագմամբ... որոշապես շրջագծված սոցիալական մի խմբի»², որի անդամները, ի տարբերություն հրամկազմի ոչ տեղաբնիկ բարձրաստիճան սպաների, բանակում ծառայությունն ըսկըսել էին որպես զորակոչված ֆելլահ-շարքայիններ և սպայական ցածր կոչումներ ստացել էին 1860—1876 թթ. սուլթանական և եթովպական զինարշավների ընթացքում: Նշանակում է, որ խնայողության գուգահեռ որոշումը հետապնդում էր նաև քաղաքական նպատակ՝ «ավերել բանակը», ինչպես իր ժամանակին նկատել է եգիպտական գլխավոր շտաբի պետ ամերիկացի գնդապետ Սթոունը³, վերացնել երկրի գաղութականացման հարաճելիք փորձերին հակազդելու կարևորագույն ուժը:

Թեկուղ սոսկ անձնական-դասային նկատառումների մղմամբ Լաթիֆ բեյ Սելիմի առաջնորդությամբ 1879 թ. փետրվարի 18-ին բողոքի դուրս եկած սպաները, որոնց թիվումը էին տալիս դինվորներն ու քաղաքացիները, ֆինանսների մինիստրության շնչքում արգելափակեցին վարչապետին և մի քանի մինիստրների: Խզիվ Իսմայիլը, որ հասկանալիորեն առնվազն ամերիկացի Սթոունի չափ տեղյակ էր կա-

ոավարության որոշման հտնածալքին և որ Ն. Ա. Իվանովի պնդմամբ «րոտ ամենայնի բաջալերում (գուցե թև նուլնիսկ ներշնչում էր) Նուրարի կառավարության դեմ տարբեր բնույթի ելույթներ», ղորքի «անհնազանդությունը, պատրվակելով, շեղյալ հայտարարեց հեռացումների հրամանը և մարտի 9-ին, պաշտոնազրկված Նուբար փաշայի փոխարեն վարչապետ կարգեց իր ավագ որդուն՝ 27-ամյա գահաժառանգ Թաուֆիքին⁴։

Եվ սակայն այնքան, որքան անգլիացի Չարլզ Ռիվերս Վիլսոնն ու ֆրանսիացի դը Բլինյերը, ֆինանսների և հասարակական գործերի մի-նիստրի իրենց աթոռները նոր դահլիճում պահպանելով, շարունակեցին կիրառել իրենց երկրների թալանարար քաղաքականությունը, բողոքի շարժումը ոչ միայն չմեղմացավ, այլև վերելք ապրեց։ Շարժումն իր գագաթնակետին հասավ մարտի 28-ին, երբ Վիլսոնը խզիվին պարտագրեց իր ֆինանսական ստրկացուցիչ պլանը։ Բուռն կերպով բողոքում էին ոչ միայն ժողովրդական զանգվածները, ուլիման, աստիճանավորությունն ու սպաները, այլև նուլնիսկ եգիպտական «խորհրդա-րանի»՝ Երեկինների ժողովի անդամները։ Հենց վերջիններիս նախա-ձեռնությամբ էլ ապրիլի 2-ին ծնունդ առավ «Ազգային հայտագիրը» («ալ-Լահիա ալ-վաթանիյա»), որում հիմնականում ընդգծվում էին իրենց երկիրը կառավարելու հարցում եգիպտացիների անկապտելի ի-րավունքը և Երեկինների ժողովի լիազորությունների շրջանակն ընդ-լայնելու պահանջը⁵։

Եգիպտոսում «վաթանի»-ազգային շարժման ծրագրային առաջին փաստաթուղթը հանդիսացող «Ազգային հայտագրի» հրապարակումը արաբագետների շրջանում սովորաբար ընդունվում է որպես նախորդ տարվա վերջերից կազմավորվել սկսած «Վաթանի» կուսակցության ծննդյան պաշտոնական թվական։ Եվ քանի որ «Հայտագիրն» ստորա-գրել էին ոչ միայն վարչապետ Թաուֆիքի հրամանն անտեսելով իրեն լուծարքի ենթարկված չհամարող Երեկինների ժողովի 75 անդամներից 60-ը, 72 աստիճանավորներ, 60 հոգևորականներ ու քաղաքաբնակ 42 երեկիններ, այլև 93 սպաներ, նշանակում է, որ մեծազդեցիկ ֆեոդալ ազնվականների նախաձեռնությամբ ու մահմեդական ալիմների և սի-րիացի քրիստոնյա մտավորականների մասնակցությամբ կազմակեր-պականորեն որոշակի տեսքի եկած «Վաթանի» կուսակցության շրջա-նակներում իր պատկառելի տեղն էր զբաղեցնում նաև «վաթանի»-տե-ղաբնիկ սպայությունը։ Վերջինս առաջին իսկ օրից, համենայն դեպս ամենաուշը հունիսից սկսած ու մինչև վերջ կազմակերպության մյուս

բաղադրատարրերից որոշակի հեռավորություն պահպանելու իսկ պատճառով, իր ժամանակին պիտի ընկալվեր ու հետագայում էլ ինչպես սկզբնաղբյուրներում, այնպես էլ արաբագիտության էջերում ներկայացվեր որպես «Վաթանի» կուսակցության զինվորական թև»:

«Հայտագրի» և «Վաթանի» կուսակցության շնորհիվ իր շուրջ որոշ իմաստով «վաթանի»-ազգային միասնական ճակատ ստեղծած, տվյալ պահին որդուց ղեկավարվող «եվրոպական» դահլիճը վերջնականորեն լուծարքի ենթարկելով «իսկապես եգիպտական տարրերից» կառավարությունն ստեղծած և երկրում սահմանադրական-խորհրդարանական միապետական կարգ հաստատելով օտարերկրացիների ոտնձգությունները խափանելու միտող խղիվ Իսմայիլը, սակայն, Անգլիայի ու Ֆրանսիայի ճնշմամբ հունիսի 24-ին հարկադրվեց ստորագրել իր հրաժարման գիրը և սուլթանի կողմից գահընկեց հայտարարվելով, երկրից վտարանդվեց: Խղիվ հռչակվեց Թաուֆիք փաշան, որի առաջին գործն եղավ Երևելիկների ժողովը, մերժել հոր կարգադրությամբ մշակված սահմանադրության նախագիծը, վերահաստատել եվրոպական ֆինանսական վերահսկողության սիստեմը և «Վաթանի» կուսակցության «քաղաքացիական թևի» ղեկավար Շերիֆ փաշայի փոխարեն վարչապետ կարգել ռեակցիոն ֆեոդալ ազնվականության պարագլուխ և անգլիացիների կամակատար Ռիադ փաշային: Եգիպտոսում հաստատվեց ծայրահեղ հետադիմության բռնատիրական վարչակարգը⁶:

Եթե շմոռանա՞նք, որ եգիպտական ազգային բուրժուազիան որպես դասակարգ գեռ չէր կազմավորվել (է. Ռաթմանի խոսքերով՝ «դեռ խոսք լինել չի կարող դասակարգի վերածված և իր մինչևպիտալիստական շրջապատից ազատագրված բուրժուազիայի մասին»), հետևաբար և շուներ իր միջավայրից ծագած հասարակական-քաղաքական առաջավոր գործիչների մտավորական կազմակերպյալ մի դաս, որ ազգաբնակչության ամենալայն խավերի դժգոհանքին շեշտ և ուղղություն տար, ժողովրդին համախմբող կարգախոս ու գործողության մղող ծրագիր առաջադրեր, ապա հասկանալի կդառնա, թե ինչու «վաթանի»-ազգային միասնական ճակատի պարտության պայմաններում վերջինիս բաղադրատարրերի համախմբումն արագորեն քակտվեց: Եվ ուրիշն զարմանալի չէ, բնավ, որ Թաուֆիքի գահակալությունից հետո, ինչպես և նախկինում, մինչև Անգլիային հայտագրի» շուրջ խայտաբղետ տարրերի միասնականացման փորձը, համաժողովրդական դժգոհանքը եռման ու պոռթկման մի քանի (ու ոչ միշտ հարազատ) շրջանակներ

ու տարրեր ձևեր էր գտնելու, ավելին՝ ծագմամբ հայազգի Ադիբ Իս-հակի ղլխավորած բնյության արմատական նահալականների կողմից շուրջ երկու տարի առաջ ասպարեզ նետված «Եգիպտոսը եգիպտացիներին» լոգոնգն էլ այդ շրջանակներում տարբեր ընկալումներ ու պրակտիկաներ էր ստանալու։ Կարիք չկա առանձնապես ընդգծելու, որ այդ լոգոնգն իրականում, գոնե իր հղացողների համար, ունեւ համակարգական-աղբալին ընդգրկում, քանի որ փաստորեն ուղղված էր ոչ այնքան բանակի առօրյայում «չեքքեղ-փաշաների»՝ եկվոր մահմեդական զինվորականության գերակայության դեմ, ինչը վերջին հաշվով, թեկուղ և կարևոր, մասնավոր երևույթ էր, որքան՝ երկրի ամբողջ կյանքում այդ զորավարության հետ նաև եկվոր-մահմեդական կալվածատեր ու աստիճանավոր ազնվականության և արևելյան-քրիստոնյա կոմպրադոր առևտրավաշխառուների բացարձակ գերակշռության, հատկապես Լվորուպակսն դիվանագետների սանձարձակ ոտնձգությունների և ֆինանսատնտեսական թալանաբար գործամուկների անհակակշիռ տիրապետության դեմ։

Շրջանակներից մեկը, որ հեռանկարում կենտրոնականն էր դառնալու, ցածրաստիճան սպայական այն դասն էր, որի հիմքի վրա առաջացել էր «Վաթանի» կուսակցության «զինվորական թևը»։ Սուլյն հողվածում մենք փորձելու ենք ուրվագծել այդ դասի դիմապատկերը, քանի որ խնդրո առարկա «զինվորական թևը» ետթաուֆիքյան ժամանակաշրջանում միառժամանակ հանդես էր գալու որպես առավել կամ նվազ ինքնուրույն «Վաթանի» կուսակցություն, 1879 թ. աշնանը «քաղաքացիական թևի» հետ մի անգամ ևս ժամանակավորապես համաձուլվելուց հետո գլուխ էր բերելու 1881 թ. սեպտեմբերյան հեղաշրջումը, վերջապես նույն տարվա վերջին ու հաջորդի սկզբներին ձևավորվելով որպես «Վաթանի» առավել հանրահայտ կուսակցական կազմակերպությունը, 1882 թ. գլխավորելու էր եգիպտական ժողովրդի հակաբրիտանական զինյալ պայքարը։

Սկզբից ևեթ արձանագրենք, որ հիմնականում եգիպտացի արաբներից կազմված ցածրաստիճան սպաների դասը մինչև 1876—1877 թթ. բացառապես, իսկ այնուհետև առնվազն մինչև 1881 թ. սեպտեմբերյան հեղաշրջումը գլխավորաբար նեղ-արհեստակցական խնդիրներ էր առաջադրել ու հետամտել դրանց լուծման։ Եվ իրոք, սպաները, ինչպես մինչև 1879 թ. ապրիլը, այնպես էլ այնուհետև, ընդգծման արժանի համառությամբ ու հարատևությամբ բանակի շրջանակներում եգիպ-

տական արաբների և եկվոր տարրերի միջև «ազգային իրավահավասարութեան» սահման քաղաքականութիւնը կիրառելու պահանջով էին հանդես գալու:

Բանն այն է, որ փոխարքա Մուհամմեդ Սաիդ փաշան (1854—1863) Բարձրագույն Դռնից իրավունք ձեռք բերելով չհարգելու Մուհամմեդ Ալիին 1841 թ. պարտադրված սահմանափակումները և իր զորքի թվաքանակը հասցնելու երեսուն հազարի, նոր եռանդ էր հաղորդել դեռ իր զորահրամանատար եղբոր՝ Իբրահիմ փաշայի կողմից նախաձեռնված սպայութեան «արաբականացման» գործին: Այլ խոսքով նա շարունակել էր 1840-ական թթ. փոխարքայի, իսկ այժմ արդեն սուլթանի հավանութեան պարտադրաբար ենթակա շեղող սպայական ցածր աստիճանները արաբներին շնորհելու քաղաքականութիւնը, առավել ընդունակ ֆելլահներին առաջ քաշելով ջոկատների, իսկ համապատասխան պատրաստականութիւն անցածներին՝ զնդերի ու վաշտերի հրամանատարական պատասխանատու պաշտոններին³: Խնդիվ Իսմայիլը, ահա, բարդացող իրադրութեան մեջ նահանջելով իր նախորդի և սկզբնական շրջանում իր իսկ կիրառած պրակտիկայից, սկսել էր, ի վնաս արաբների, առաջ քաշել ալբանական, թուրքական (նաև միջինասիական թյուրքալեզու), չերքեզական և քրդական ժազմամբ զինվորականների, որոնք, ինչպես վկայում էր Ֆրանսիացի մի ժամանակագրող, «նույնքան տգետ և ավելի վախկոտ էին, քան զինվորները, որոնց վրա ժանրացնում էին իրենց բռնակալական լուծը»: Հաստատելով, որ «բանակում օսմանցիներն ու նրանց ստրուկներն են տիրում բոլոր աստիճաններին», ականատես հեղինակն ավելացնում էր, որ սպայակույտի դպրոցի 200 ունկնդիրները «մամուլներ կամ Պուսից հատկապես ուղարկված թուրքեր էին, այն դեպքում, երբ միայն «մի քանի արաբներ, հատուկ շնորհի արժանացած» բացառութիւններ էին այնտեղ ընդունվում: Ավելին, մինչդեռ ուսումնարան գործուղվող թուրքերն ու մյուսները անմիջապես ստանում էին լեյտենանտի կոչում, արարներն այդ կոչման կարող էին հավակնել միայն ուսումնառութեան վերջում, այն է՝ ոչ առանց մտավախութեան, քանի որ դասախոսներին հանձնարարվում էր խոչընդոտել քննական հանձնաժողովի առաջ նրանց հաջողութիւնը: «Թուրք սպաներն արագորեն հասնում են բարձր աստիճանի, հաճախ առանց ամենամահաբան տարրական գիտելիքներն իսկ ձեռք բերելու»,—արձանագրում էր ժամտնականագիրը³:

Այս ամենի հետևանքով մեծացել էր լարվածությունն ընդմեջ սպա-
յական երկու դասերի՝ «Ֆելլա՛հներին» (Եգիպտացի արաբների) և «չեր-
քեզներին» (ալլազգիների), լարվածություն, որը կարևոր դեր էր ունե-
նալու Եգիպտական «վաթանի»-ազգային շարժման հետագա զարգաց-
ման գործում¹⁰։ Ասենք, որ մեր կարծիքով դժվար թե տեղաբնիկ սպա-
յների դասն իրր կամովին ու հպարտությամբ ինքզինք «Ֆելլա՛հներ»
անվանա՞ծ լինի, ինչպես՝ պնդվում է մեր որոշ արաբագետների կողմից։
Մենք ավելի հավանական ենք համարում, որ այդ դասից «չերքեզ-
փաշա» անվանված եկվոր ռազմա-ֆեոդալ ազնվականներն են արաբ
անաղնվական կավածատեր սպաներին տվել իրենց բառապաշարում
անկասկածելիորեն արհամարհական երանգ ունեցող «Ֆելլա՛հներ» մա-
ղիրը։ Այդ հավանականությունը որոշակիորեն հիմնավորվում է այն ի-
րողությունը, որ ժամանակակիցներից Կամերոնը օգոստոսգործել է «տի-
ղարնիկ կամ ֆելլա՛հներ անվանված սպաները» դարձվածքը¹¹, իսկ
Ա. Կոլվինն ավելացրել է. «Եգիպտացի սպաների հպարտությունն ամեն
օր խոցվում էր թուրք կամ չերքեզ աստիճանակիցների խրոխտ կեց-
վածքից և արհամարհալիր վերաբերմունքից»¹²։ Լեյնը, որ XIX դարի
երկրորդ քառորդին մի տասնամյակից ավելի ապրել է Եգիպտոսում,
դրել է. «Կահիրեի տեղաբնիկ ժողովուրդն ինքզինք սովորաբար կո-
չում է ալ-մրսիխին, առկադ Մըսը կամ անլ Մըսը, իսկ ավելի հա-
ճախ՝ առկադ ալ-բիլադ, ինչ որ նշանակում է Մըսի ժողովուրդ, Մըսի
զավակներ, երկրի ուղիներ։ Գյուղացիներին սովորաբար կոչում են
ալ-ֆելլահին, այն է՝ հողամշակներ։ Թուրքերը հաճախ այդ տերմինով
անվանում են Եգիպտոսի բոլոր բնակիչներին, դրա մեջ դնելով նվաս-
տացուցիչ ոգի (եկոպիտ, անդաստիարակ մարդիկ), խեղկատակներ»)։
Նրանք նույնպես օգտագործում են անլ ֆաբաուն-Փաբավունի ժողովուրդ
արհամարհական որակականը, որին եգիպտացիները, եթե համարձա-
կությունից զուրկ չեն, պատասխանում են անլ-նիմուր—նեմուրի
ժողովուրդ որակականով»¹³։

Համենայն դեպս փաստ է, որ 1876-ին, դեպի Եթովպիա անհա-
ջող զինարշավից հետո, խզիվ Իսմայիլը գնդերի և վաշտերի մահացած
հրամանատար սպաներին փոխարինելիս առաջ էր քաշել մի խումր
Եգիպտացիների¹⁴, որոնք արդեն այդ ժամանակ որոշակի նկրտումներ
ունեին և իրենք իրենց տվել էին «վաթանի» ինքնանվանումը։

Այնքան, որքան արաբներենում «վաթան» բառը շարունակում էր
պահպանել թժննդյան ու բնակչության վայր» ավանդական իր իմառ-

տք, ապա, ինչ խոսք, որ «վաթանին» իր ժամանակին ունէր բուն իսկ «տեղաբնիկ եգիպտացի» նշանակութիւնը, որը, սակայն, հետզհետեալվելի՝ ու ավելի էր թաթախվում ազգային ծագման հասկացողութեան մեջ, ստանում եթե ոչ մերօրյա «աղգայնական-հայրենասեր» ընկալումը՝ ապա գոնե հայրենիքի որդի ու տեր» նշանակութիւնը: Չմոռանանք, որ հենց 1870-ական թվականներին եգիպտական մտավորականութիւնը «վաթանի» սահմանման մէջ ներդնում էր նոր տարր՝ հայրենասիրութիւն, որը հանձնարարում էր ազգային կապը գերադրել կրօնականին և համատեքից ոչ պակաս աշխատել նաև ի փառս հայրենի երկրի¹⁵:

Բոլոր դեպքերում «վաթանի» սպաները համախմբվել էին «կահիրեի դպրոցում սովորած և բավականին զարգացած»¹⁶ Ալի առ-Ռուբիի շուրջ և 1876-ին ստեղծել ընդհատակյա մի ընկերութիւն, որը, ըստ էութեան նպատակադրած լինելով «հայրենիքի փրկութիւնը», իր անդամների մեծամասնութեան դասային թիւ մտավոր, ուրեմն և գաղափարական-աշխարհայացքային անխուսափելի սահմանափակութեան հետեւանքով նեղ-արհեստակցական պահանջների էր պատշաճեցրել «Եգիպտոսը՝ եգիպտացիներին» լոգունգը:

«Վաթանի» սպաների սոցիալական դիմապատկերից առաջ ջանանք ուղղանկարել նրանց քաղաքական ներշնչարանի ցարդ արաբագիտութեան էջերում անտեսված հիմնակետը:

Սկսեմք միանալով Ն. Իվանովի այն հաստատմանը, որ 1876-ին իրենց գաղտնի ընկերութեան հիմնադրումից հետո «Ֆեյլահ» սպաների մեծամասնութիւնը, դիրքորոշվելով հանդերձ ոտնձգութիւնների և «եվրոպական» դահլիճի քաղաքականութեան դեմ, ընդհուպ մինչև 1879 թ. հունիսին գահընկեց արվելը լրիվ լոյալ էր խզիվ Իսմայիլի նկատմամբ»¹⁷: Ռ. աս-Սաիդը, թեկուզ և «գլուղացիական հիմք» վերագրելով սպայական կազմակերպութեան, ըստ երևութին հենց այդ մեծամասնութիւնը նկատի ունենալով է, որ խոսել է հունիսի վերջերից կազմակերպութեան ղեկավարների՝ նոր խզիվ Թաուֆիքին «կաշառելու», այլ խոսքով «վաթանի»-ազգային ուղղութեան սիրաշահելու անհաջող փորձի մասին¹⁸: Կործ, որը կարող է կատարված լինել Թաուֆիքի հետ ներդաշնակ աֆղանիականների միջոցով և որը չէր կարող չծախողվել այն պատճառով, որ հենց այդ օրերին սեյիդ Ջեմալ ադ-Դին ալ-Աֆղանին փաստորեն երկպառակել էր «Վաթանի» կուսակցութիւնը՝ հիմնադրելով իր «Վաթանի անկախ կուսակցութիւնը»:

«Վաթանի» սպանների շրջանում մինչև 1879 թ. հունիսի 24-ը խզիվ ֆամայիլի դեմ դիրքորոշված փոքրամասնության մասին խոսակցությունն անհրաժեշտ է բացել փոքր-ինչ հեռվից. սպայական գաղտնի ընկերության փաստական ղեկավար Մահմուդ Սամի ալ-Բարուդիի առեղծվածից:

Սովետական, թե սփռասահմանյան արաբագետներից միայն ու միայն իս. նիլերգն է, որ առ այսօր փորձել է լուծել ալ-Բարուդիի առեղծվածը: Սակայն նա էլ, զորավար փաշայի դեմքի ու դիմակի ինչ-որ տարբերություն կռահելու գծով ճիշտ ուղու վրա ընկնելով, փաստորեն սխալ սլատասխան է առաջադրել, մանավանդ, որ ալ-Բարուդիին հայտարարել է «Վաթանի» սպայության «առավել հետևողական սահմանադրականներից մեկը»¹⁹:

Ալ-Բարուդին «Վաթանի», ուրեմն տեղաբնիկ-«ֆեյլահ» սպաններին դաշնակցած միակ շերքեզը չէր, անշուշտ: Նրա նման շերքեզական ծագում ունեին, բացի իր եղբայր Յակուբ Սամիից, նաև Ալի առ-Ռուրին, Համիդ Ամինը և ուրիշներ: Սակայն նա «Վաթանի» ճակատում տվյալ պահին միակ «շերքեզ-փաշան» էր. շերքեզ մամուլը մի բնյի այդ հետևորդը շատ արագ էր առաջ խաղացել ու դարձել զորավար փաշա²⁰: Ֆրանսիայում և Անգլիայում կատարելագործված զինվորական, արաբերենից բացի նաև օսմաներեն ու պարսկերեն լեզուների և պատմության ու դրականության քաջագիտակ, նա միաժամանակ 1850-ական թթ. վերջերից եգիպտական քերթողության բարձրացող աստղն էր համարվում²¹: Հեծելազորային դնդի հրամանատար, նա նուրբար փաշայի կառավարության օրոք նշանակվել էր Կահիրեի ոստիկանության պետ, Թաուֆիքի գահակալումից հետո Ռիֆադ փաշայի կառավարության կազմում վարելու համար սկզբում վակուֆների, ապա և ռազմական միևիստրի պաշտոնները:

Ալ-Բարուդին ավելի հետաքրքրական է շնորհիվ այն իրողության, որ թող «Վաթանի» սպայական միջավայրի առավել «փայլուն խելքի տեք», առավել «խիզախ ու վճռական» դեմքը լինելը, առավել բազմակողմանի պատրաստականությունը, ավելի բարձր ծագումն ու դիրքը, մանավանդ հավակնոտությունը, այն, որ «ինքն իրեն ղզում էր կարծես բարձր պաշտոնների համար ստեղծված», առաջին օրից մինչև վերջինը կանգնած լինելով հանդերձ եգիպտական «Վաթանի»-աղգային շարժման հենց կենտրոնակետում, պատմագրության կողմից որպես կանոն տեղադրվել է շարժման ետնամասում: Ամերիկացի ղըն-

դպպետ Զարլզ Լենգն ընդգծելով, որ նա եգիպտական ժողովրդի հակաբրիտանական դինյալ «ապստամբութեան ոգին էր և առաջնորդը», ուրեմն և «շարժումը ղեկավարեց սկզբից մինչև վերջ», ավելացրել է. «Սակայն խարդավանքներին նրա հակումը պատճառ դարձավ այն բանի, որ Սամին զանգվածների պատկերացման մեջ մնաց պատմութեան հետամասնեմ»։ Տ. Բարաքաթն իր հերթին շեշտել է. «Միակ մարդը, որ իր ազդեցութեան ուժով կարող է հավասարվել Օրաբին, առանց սակայն ժողովրդի աչքում նրա փառքը կիսելու, Մահմուդ Սամի ակ-Բարուդին է»²²։

Ալ-Բարուդի ճամփով էլ հնարավորություն ունենք պարզելու, որ սպայական-կազմակերպութեան հակախմայիլական փոքրամասնությունն իր ներշնչանքն ստանում էր ուղղակի օսմանյան մայրաքաղաքից։ Սուլթանների նստավայրի դիվանատան եգիպտական հարցին վերաբերող փաստաթղթերն ուսումնասիրած Հասան Աղալին, օրինակ, հաստատելով, որ եգիպտական սպաների գաղտնի կազմակերպութեան իսկական ղեկավարը ալ-Բարուդին էր, շեշտել է. — 1877—1878 թթ. ռուս-թուրքական պատերազմի մասնակից, նա բազմիցս Պոլիս այցելեց և հիմնականում իր անունից էր, որ իրականացվում էր կապը Աբդ ալ-Հալիմ փաշայի, նաև եգիպտական սպաների ղեկավարների շահերին ծառայեցնել ջանացող Աբդուլ Համիդի նստավայր Յըլդըզի Քյոշկի հետ²³։ Ի միջի այլոց, հետազային, դատարանի առաջ կանգնած, ալ-Բարուդին խոստովանելու էր (և Օրաբին հաստատելու էր նրա խոստովանությունը), որ հալիմական շարժման լիազոր ոգեշնչողն ու ղեկավարը ինքն էր եղել։

Աբդ ալ-Հալիմ փաշան Մուհամմեդ Ալիի 95 երեխաներից կրտսերագույն մանչն էր և ուրեմն 1866-ի սուլթանական հրովարտակով (որ թույլատրում էր խախտել եգիպտական գահը տոհմի ավագին հանձնելու կարգը պահելով ընտանիքի ներսում՝ հորից որդուն փոխանցել) կորցրած լինելով գահաժառանգման ամեն մի հույս, հանկարծորեն այն վերագտել էր ներեգիպտական քաղաքական խառնակությունների ոլորտաներում։ Կարիք չկա շեշտելու, որ եգիպտական տաքնապի խորացման մեջ իրոք էլ չէր կարող իր որոշակի դերը չունենալ ժառանգման նոր, արդեն ավելի քան մի տասնամյակ իշխող տոհմը երկպառակող կարգը, մանավանդ որ Աբդ ալ-Հալիմը, ինչպես նշել է ժամանակակիցներից Տ. Բարաքաթը, «կողմնակիցներ ունեւր երեւելիների և իշխանների թվում»²⁴։ Տարբեր վկայությունների վրա հենվեով Ն. Իվանովը,

իր հերթին, հաստատել էր, որ «Պոլսում ապրող, քրիստոնյաների անհաշա թշնամին համարվող և իրեն գահակալման իրավունքից զրկած Խամայիլին առող Արդ ալ-Հալիմ փաշան էր կանգնած սպայական դավադրության ակունքների մոտ» և որ «ըմբոստ իշխանը» կանխօրոք հզիպտական միջավայրում կարևոր հենարան ստեղծելով հանձին «մասուններին (այլ խոսքով ալ-Աֆզանիի հիմնադրած «Ազգային օթյակին»,—Ն. Ն.) հարած ու նրանց միջոցով իր հետ կապ պահպանող» սպայական փոքրամասնության, «1879-ին ապահովվեց Բարձրագույն Դոան աջակցությանը և պայքար շղթայագերծեց իր կորովալիր ազդականի դեմ, երազելով գրավել հզիպտոսի գահը»²⁰։ Բնականաբար, Արդ ալ-Հալիմը չէր կարող Բարձրագույն Դոան նկատմամբ հանձն չառնել մի պարտամուրհակ. հզիպտական խզիվությունը շեղել Օսմանյան կայսրությունից առավելագույն չափով ինքնուրույնացնելու իսմայիլական քաղաքականությունից և, թեկուզ առանց համահարթելու արաբական վիլայեթների շրջանակներում, հնարավորին չափ վերենթարկել սուլթանի գերիշխանությանը։

Այս ամենից բխում է մի տարրական եզրակացություն. այն, որ 1879 թ. ապրիլին ստորագրելով «Ազգային հայտագիրն» ու հարելով խզիվ Խամայիլի շուրջ ստեղծված «վաթանի»—ազգային ճամբարին, որ և նույնն է՝ «Վաթանի» նորաստեղծվող կուսակցությանը, վերջինիս «զինվորական թևը» թեկուզ և փոքրամասնական, այլ ղեկավար դիրքերում կանգնած մեծազղեցիկ բաբուդիականների ճանապարհով փաստորեն հետապնդում էր «վաթանի»—ազգային ճակատի առաջադրանքներին ու նկրտումներին հակընդդեմ և ըստ էության հակաազգային կուրս, որի զսպանակները գտնվում էին սուլթանի քաղաքական զորակենտրոնի ձեռքում։

Մի ամբողջ շարք արաբագետների կարծիքով «զինվորական դավադրության խսկական ղեկավարը հանդիսացող ալ-Բարուդիի հետ կապեր հաստատելով է, որ 1879 թ. երկրորդ կեսին Օրաբիի թիրեն հատուկ էներգիայով օտարերկրացիների դեմ պայքարի մեջ մտավ»²⁶, այլ խոսքով դարձավ ոչ միայն սպայական կազմակերպության, ուրեմն և «Վաթանի» կուսակցության «զինվորական թևի» պարագլուխը, ալլև «վաթանի»—ազգային շարժման առավել պոտենցիալ ղեկավարը։ Ալ-Բարուդիի կողմից Օրաբիի առաջ մղման հարցում անկասկած իր դերն ունեցած պետք է լինի այն իրողությունը, որ ի տարբերություն շեքսեզ առ-Ռուբիի, նա տեղաբնիկ էր և ուրեմն ավելի հարմար դեմք էր «վա-

թանի» լինել հավակնող շարժումը գլխավորելու: Եվ սակայն նույնքան անկասկածելի պիտի համարել և այն, որ նա, որպես խզիվական տոհմի փեսա, իր սուլթանասիրության ու հետագիմականության զոհ՝ զնացած Աբբաս Հիլմի I-ի ավագ որդու՝ ալ-Համի փաշայի մեկ հատիկ աղջկա ամուսինը, ալ-Բարուդիի կողմից առաջ էր քաշվել որպես սուլթանական-խալիֆական խարդավանքների թե հալիմական հավակնությունների կենսագործման հարմարագույն գործիք:

Եվ սակայն Օրաբին այստեղ մեզ համար նաև հարմարագույն թեկնածուն է՝ «վաթանի» սպանների, ուրեմն և «վաթանի» կուսակցության պատկառելի բաղադրատարր զինվարական թևի» սոցիալական դիմապատկերը պարզելու տեսակետից:

Ահմեդ Օրաբի ալ-Հյուսեյնին ժամանակակցի վկայությամբ իր արտաքինի՝ Քարաթը հասակի (մեկ մետր և ութսուն սանտիմետր), դեմքի ներդաշնակ գծերի, հաստ շուրթերի ու թավ հոնքերի» շնորհիվ²⁷ Մուհամմեդ Սաիդ փաշայի օրոք բանակում արագ առաջ էր ընթացել և քսան տարեկանին փոխ-գնդապետի աստիճանով ու կայմական տիրուղոսով դարձել էր փոխարքայի համհարզը, սակայն Իսմայիլի օրոք անուշադրության էր մատնվել ու ավելի քան մի տասնամյակ սպասելուց հետո երեսուներկու տարեկանին արժանացել էր գնդապետի աստիճանին ու միրալայի տիրուղոսին: Ի միջի այլոց, եթե մերժելի են բուրժուական հեղինակների՝ Օրաբիին «հավակնոտ ապաշնորհ» և «շատախոս ու տգետ խամաճիկ» ներկայացնելու ջանքերը²⁸, ապա ոչ միայն Ֆ. Ռոտշտեյնի հետ կարող ենք հաստատել, որ Ահմեդ բեյն իր համազգեստի ներքո իրականում մնում էր «հասարակ ու կիսագրագետ մի ֆելլահ»²⁹, այլև Ն. Իվանովի հետ կրկնել, որ նա «ռազմական պրակտիկ փորձ ու զինվորական հատուկ կրթություն չունեիր»³⁰:

Վ. Բ. Լուցկին օրաբիական իբր թե «ֆելլահների շարքից» բարձրացած սպաներին «ազգային դեմոկրատական տարրեր» որակելով ու նրանց զորական «ազնվականական փաշաներին» հակադրելով, փաստորեն ցանկացել է հուշել բանակի ներսում հակամարտության ինչպես ազգային, այնպես էլ սոցիալական ներքնածալք ունենալը, մանավանդ, որ այլուր ոչ միայն շեշտել է՝ «իրականում էլ նա (Օրաբին,—Ն. Ն.) Ստորին Եգիպտոսի Հարիյա-Ռուզնա գյուղից ֆելլահի որդի էր», այլև ականատեսի նման վկայել է, որ ամիսներով ուճիկ չստացող օրաբիական սպանների ռենտանիքները սովահարվում էին»³¹:

Միրալայ Սրարի լեյի «Ֆելլահության» վերաբերյալ պնդումը, որը հանդիպում է ոչ միայն Վ. Լուցկու մոտ², հիմնադրվել է նա, միջակ հողասեփականատեր և բարեկեցիկ գյուղացու, իր գյուղի շեյխ ավրայադ նշանակված մարդու, այլ խոսքով օմդալի որդի, հորից Շաքիյա նահանգում ժառանգած 8 ֆեդան (շուրջ 2,5 հեկտար) հողը բանակում ծառայելիս իր «խնայողությունների» օգնությամբ և քայքայվող համագյուղացիների հողակտորների հաշվին հասցրել էր 570 ֆեդանի (240 հեկտար) և փաստորեն վերածվել էր խոշոր կալվածատիրոջ³։ Արձանագրենք, որ միջին հաշվով 50 և ավելի ֆեդան հողասեփականատիրություն ունեցողները ծգիպտոսում մաս էին կազմում կալվածատերերի դասակարգին և հողասեփականատեր եգիպտացիների 1,55 տոկոսը կազմելով՝ տիրում էին մշակելի հողային ֆոնդի 43,8 տոկոսին⁴։ Խ. Կիլերգն իրավամբ է Օրաբի սոցիալական դեմքը բնութագրել որպես «շահագործող տնտեսատեր գյուղացու՝ կուլակի, որ ոգորել է աստիճանաբար դառնալ ու դարձել էլ է կալվածատեր»⁵։

Օբարի տիպի «Ֆելլահներ» էին նաև ընդհատակյա կազմակերպություն անդամակցած ոչ եգիպտացի արաբ մյուս «սովաշուրյալ» սպաները, որոնք ըստ Վ. Չեռնովսկայայի, «իրենց նյութական դրության կարող էին լրիվ առնչվել ազգաբնակչության ապահովված խավին»⁶, ըստ Գ. Ներսեսովի սոցիալական տեսակետից համարյա գրեթե լիովին «կապված էին գյուղական մանր-կալվածատիրական վերնախավի հետ»⁷ և որոնց մասին Ա. Գոլդորին իրավամբ գրել է։ «Նրանք դուրս էին եկել նոր կալվածատերերի, հարուստ գյուղացիների շարքերից»⁸։

Այստեղ մատնանշենք ուշադրության արժանի մի պարագա. XIX դարի վերջին քառորդի սկզբներին ծգիպտոսում նորածնվող բուրժուազիան սոսկ պայմանականորեն կարող է «եգիպտական» համարվել։ Այլանդակ իրողություն էր այն, որ երկրի քաղաքական ազգաբնակչության կազմում կապիտալիստական հարաբերությունների կրողները համարյա գրեթե օտարերկրացիներ էին, իսկ նրանց միախառնված եգիպտացի, արաբ կամ եգիպտականացած եկվոր-մահմեդական տարրերը մատնեի վրա էին հաշվվում։ Իրոք էլ այսպես ասած եգիպտական «բուրժուազիան» ներմուծումն ու արտածումը, բանկային գործը, շինարարությունը, առևտուրն ու ճղճիմ արդյունաբերությունն իրենց ձեռքերում ամփոփած արևմտաեվրոպացիներն ու ոչ-եգիպտական (հա-

րավային և արևելյան միջերկրականյան) ծագմամբ ճեզիպտականացած» կոմպրոդորներն էին կազմում:

Կապիտալիստական հարաբերությունների բուն իսկ ճեզիպտական կրողներին՝ «կիսաբուրժուա», պարզապես գյուղացիության շահագործման ֆեոդալական և կիսաֆեոդալական դեռ գերակշիռ եղանակներին կապիտալիստական եղանակներ խառնող հողատերերի շարքում օտարերկրացիների համեմատությամբ բացարձակ թվաշատը խդիվական տոհմի ներկայացուցիչները, մեծամասնությամբ եկվոր-մասնեղական խոշոր ֆեոդալները և արաբական ծագմամբ մեծ ու միջակ հողասեփականատերերն էին: Հենց վերջիններս էլ, աճելով քայքայվող հայրենակից ֆեյլահների հողակտորների հաշվին, գյուղացիության հարկադրական, ավելի հաճախ կուրբաջ-մտրակի համոզիչ ուժով ապահովվող աշխատանքի հարցում աշակերտելով տեղական խոշոր ֆեոդալ ազնվականներին, շահագործման կապիտալիստական եղանակների հարցում էլ աշակերտում էին օտարերկրացի կալվածատերերին: Նրանք, այդ թվում և առաջին հերթին իրենց հրամանատարման հանձնված համագլխատափոր ֆեյլահների տաբապարհակ քրտինքը հարցնող ստացման իրենց եռանդին ծառայեցնող «ֆեյլահ» սպաները, կուցկու «ազգային դեմոկրատական տարրեր» բնութագրի հետ կարող էին առնչվել միայն այնքան, որքան հանուն գոյապահպանման ու պարագետացման-ամրապնդման իրենց պայքարում պիտի բախվելին իրենց հզոր մրցակիցների երկու գնդերի՝ ինչպես տեղացի «սկամա բուրժուա» ֆեոդալ կալվածատերերի, այնպես էլ հատկապես «հարկադրաբար կիսաֆեոդալ» օտարերկրացի խոշոր կալվածատերերի հետ:

«Ֆեյլահ» սպաները «ազգային դեմոկրատական տարրեր» բնութագրի, այլ խոսքով «բուրժուական» մթնոլորտի հետ կարող էին առնչվել նաև խոշոր քաղաքների շրջանակներում: Այնտեղ, եվրոպական տերությունների գաղութարարական նկրտումների և եվրոպական առևտրական մոնոպոլիստական գերհզոր ընկերությունների ճնշման պայմաններում գործող եղիպական խոշոր առևտրականություն իր հոգևորքը դեռ դարասկզբից մի կերպ շարունակում էր ոչ միայն տնտեսական, այլև ներքաղաքական թե արտաքին-քաղաքական ընդհանուր առմամբ անբարենպաստ պայմաններում: Այդ պայմանների, նաև իր ֆինանսատնտեսական գործելակերպի միջնադարականության ու պետական հովանավորման փշրանքների իսկ անգոյության հետևանքով անխուսափելիորեն անկման դատարկարտված

այդ առևտրականության, ինչպես և արհեստավորության համար հոգե-վարքը շարունակելու գլխավոր միջոց էր դարձել «ձևականորեն զին-վորական կորպուսների մեջ ներգրավվելը», բնականաբար այդ «հո-վանավորության» ի վարձահատուցումն,—ինչպես դիտել է տվել Ֆ. Ացամբան,—վճարելով խոշոր գումարներ³⁵, եթե դա այդպես էր նախ-կինում, ապա դա առավել ևս այդպես էր XIX դարի երրորդ քառորդի վերջերին, երբ ռազմական դասից դուրս մնացած առևտրաարհեստավորական երեխիներն արդեն ոչ թե ընդհանրապես կորպուսների, ուրեմն և նրանց «չերքեզ-փաշա» հրամանատարների, այլ ինչ-ինչ ճանապարհ-ներով այդ դասի կազմում տեղ գտած «ֆելլա» սպաների հովանա-վորությանն ու պաշտպանությանն էին ապավինում և ուրեմն դարձել էին ուղղակիորեն նրանց «հարկատուները»։ Բնութագրական է, որ «ֆելլա» սպաները, բացի հնչուն փողից, նաև «վաթանի»—ազգային կապիտալի, ունևոր «հայրենասերներին» օտարների ճնշումից ու ոտնձգություններից պաշտպանողի պատմունքանին էին հետամտում, ժամանակակիցներից Բարաբաթի վկայությամբ իրենց վահանը ամպ-հովանի դարձնելով բուրժուական ամենատարբերական նորմերն ու կա-պիտալիստական հարաբերությունների ամենասրբազան կանոնները կոպտորեն ոտնակոխող եգիպտացի առևտրականների համար⁴⁰։

Ավելացնենք, որ «ֆելլա» սպաների համար հատկապես փոխ-գնդապետությունից վերև ձգտելը նախ և առաջ նյութական շատ կա-րևոր իրթան ունեւր Բանն ալն է, որ եթե բինբաշին (հազարապետը) ամսական ստանում էր 30 հազար, իսկ կայմակամը (փոխ-գնդապետը) 36 հազար ղուրուշ, ապա միրալայի (գնդապետի) ռոճիկը միանգամից ցատկ էր կատարում 100 հազար, իսկ միրլիվայինը (բրիգադային գե-ներալինը) 150 հազար ղուրուշի պատկառելի գումարի⁴¹։ Ինչ վերա-բերում է Օբաբիի նման արդեն իսկ միրալայական հարյուր հազարին հասածներին, ապա նրանց համար հետագա առաջխաղացքը ոչ միայն աշխատավարձի հիստուն տոկոսով լրացուցիչ հավելման հարց էր, այլև ու մանավանդ տիտղոսի խնդիր, քանի որ միրլիվայությունն ինքնաբե-րաբար ենթադրում էր նաև փաշայություն։ «Մեծամասնությամբ գա-վառացիներ,—հաստատել է Վ. Չոնոսկայան,—նրանք ռազմական ծառայությունը դիտում էին որպես մի այլ՝ ավելի բարձր սոցիալական կատիգորիայի անցման հնարավոր տարբերակ»⁴²։

Ոչ միայն 30—36 հազար ղուրուշից 100—150 հազարի, այլև ու մոնավանդ բնությունից հետո փաշայության, հարստություն-կալվա-

ծատիրությունից հետո ազնվականության և «չերքեզ-փաշաներու ազնվականական առանձնաշնորհներին ձգտող եգիպտացի արաբ սպայական դասը, ահա, իր «Ֆելլա՛նության» վերաբերյալ հակառակորդների ակնարկներով թե սեփական հավաստիացումներով և իր համար անկասկածելիորեն նեղ-դասային բովանդակություն ունեցող «Եգիպտոսը եգիպտացիներին» լոգունգի «ազգային» կախարհէլ ներգործությամբ, որոշ, արհեստակցական իր պայքարում բոլոր դեպքերում խիստ անհրաժեշտ ժողովրդականություն էր ձեռք բերել զինվորների շրջանում: Զէ՛, որ շարքային զինվարականությունն իր հիմնական զանգվածով իսկական ֆելլահական միջավայրից էր հավաքագրված, հետևաբար ոչ թե նեղ դասային-արհեստակցական, այլև՝ սոցիալ-տնտեսական և որպես «ազգային» գիտակցվող հիմնավոր դժգոհանք ուներ, հետևաբար. «Եգիպտոսը եգիպտացիներին» լոգունգին տալիս էր ժողովրդական-դեմոկրատական իդձերի խտացման բովանդակություն: Շփանակը հիմնականում բաղկացած էր եգիպտացիներից, որոնք դժբախտ հարկատունէրի հղբայրներն ու զավակներն էին,—հաստատել է Կոլվինը, ավելացնելով,—բոլոր աստիճաններում բանակի համակրանքը անպայման հայրենակիցների կողմում էր»⁴³:

Կոլվինի վերջին խոսքերի հետ կապված, թե ընդհանրապես, առաջնությունն անհրաժեշտ է ընդգծել մի շատ կարևոր հանգամանք: Ֆելլահների համար բանակում ծառայության կանչվելը համազոր էր ցկյանս տաժանակրության դատապարտվելուն: Արաբական, թե օտար անխտիր բոլոր սկզբնաղբյուրներից (Աբդ առ-Ռահման ալ-Ջաբարիի, Բազիլի, Պուժուլա, Լեյն են) վավերագրվող ճշմարտություն է դա, ինչպես և այն, որ ֆելլահ շարքայինների զանգվածի համար սպայական դասը մտրակի առօրեականության խորհրդանիշն էր: Այս պայմաններում ավելի քան հասկանալի է, թե «վաթանի»—ազգային կապիտալի հետամտող և միայն ու միայն այդ պատճառով մտրակից որոշապես ձեռնպահ մնացող Օրաբիի և ընկերների համար ինչքան անհրաժեշտ էին նաև «ազգային» երկնառաք լոգունգի շեփորահարումն ու մասսայականացումը՝ «չերքեզ-փաշաների» դեմ պայքարում սոցիալական վստահելի հենարանով ապահովվելու տեսակետից:

Այդ ալդպես լինելով հանդերձ, արար սպայական դասի սոցիալական, թե տնտեսական նկրտումները, բախվելով «չերքեզ-փաշաների» դիմադրությանը, կարող էին առ առավելն զորանոցային խռովության կերպարանք ստանալ: 1879 թ. ապրիլին, ահա, «Ազգային հայտագրի»

շուրջ գոյացած ճամբարին ու Վաթանի» կուսակցությանը հարելը սպա-
յական նկրտումներին ապահովում էր ոչ միայն ազգայնության՝ ամպ-
հովանին, այլև խղիվ իսմայիլի շուրջ համախմբված ֆեոդալ ազնվա-
կանության, այլ խոսքով նորածնվող կազմակերպության ճաղաքա-
ցիական թևի» հզոր աշակցությունը:

Սպայության շրջանում «Ծգիպտոսը եգիպտացիներին» լոգունգի
որդնգրումը, սակայն, կապված էր ականախ մի պարադոքսի հետ՝ Այդ
դասի «հակաթուրքությունը» (եկվոր թուրքախոս տարրերի՝ բուն օս-
մանցի թուրքերի հետ նաև օսմանականացած չերքեզների, ալբանա-
ցիների, քրդերի ու մյուսների նկատմամբ թշնամանքը) չէր խանգա-
րում համոզմունքային թե շահախնդիր օսմանականության աշխուժու-
թյանը, սուլթանականության նկատմամբ առնվազն ցուցադրական
հավատարմությանը այն մարդկանց շրջանում, ովքեր մաս չէին կազ-
մում սուլթանապաշտ փոքրամասնության: Բանը միայն սուլթան-խա-
լիֆի հանդեպ բարեպաշտ մահմեդականությունից թելադրվող խոնար-
հությունը չէր, ոչ էլ՝ տեղական «թուրքերի» ամրապինդը՝ և եկվոր
գլավուր-ֆրանքների ամրապնդվող գերակայության դեմ ընդդիմադրա-
կան նկրտումների հաջողության համար Պոլսից՝ ականավվող թեև արկու-
թյան կենսականությունը: Կար և ավելի անմիջական-առօրեական՝ մի
հանդամանք, որը նեղ դասային-արհեստակցական շահերին՝ էր չհղ-
վում. անազնվական բեյական սպայությունից միլիտա-փաշայության
կամ ազնվական սպայության կարելի էր անցնել միայն ու միայն՝ սուլ-
թանի սանկցիայով⁴⁴:

Հենց այստեղ էլ րացահայտվում է պարադոքսի՝ մյուս, առավել ու-
շագրավ երեսը: Սպայական դասի համար «Ծգիպտոսը եգիպտացիներին»
լոգունգն ուղղված լինելով տեղական «թուրքության» ազնվական-սպա-
յության հարցում մենաշնորհի դեմ, այն իր սուր ծայրով չէր կարող
փաստորեն ուղղված լինել նաև այդ մենաշնորհը սրբագործող-կիրա-
ռող սուլթանության դեմ: Օսմանականության ոչ թե սոսկ հավատարիմ,
այլ ուղղակի սուլթանապաշտ տարրերի համար «Ծգիպտոսը եգիպտա-
ցիներին» լոգունգի ընդգրկումների լայնացումը և միտումների խորա-
ցումը, հակաքրիստոնեական տրամադրություններից բխող՝ այլ գաղու-
թարարական ոտնձգությունների փաստից օբյեկտիվորեն՝ սնվող հա-
կանվորական տրամադրությունների սուբյեկտիվորեն՝ հրահրումը,
որ անկասկած կհեշտանար Վաթանի» կուսակցության շրջանակներում,
կնպաստեր լոգունգի հակասուլթանական երանգի տարրալուծմանն ու

մեղմացմանը և ընդհակառակը Բարձրագույն Դռան աջակցության ապովինելու տրամադրությունների շեշտավորմանը: Այդ ազդական անպայման պիտի ի մտի ունենալ՝ սպայական դասի բարուդիական հատվածի որպես «զինվորական թեւ» «Վաթանի» կուսակցության հարելուն, առնվազն ցածրաստիճան սպաների մեծամասնության «վաթանի»—ազգային ճամբարին հարելը չխոչընդոտելուն դրդապատճառները որոնել փորձելիս:

Վերջ ի վերջո, նաև, 1879 թ. գարնանը համախմբվող «վաթանի»—ազգային ճամբարը ավելի շուտ Անգլիայի և Ֆրանսիայի ոտնձգությունների դեմ էր ժառանգում և սուլթանը դրանից կարող էր լուր բարին ակնկալել, առնվազն հրճվել իր եզիպտական վասալի և եվրոպական իր բարեկամների սրվող վեճում իր համար հեռանկարում հաշտարար միջնորդի, ինչ-որ դեր կատարատեսելով:

Այդպիսի ենթադրություն անելու համար մեզ որոշակի հիմք են տալիս 1879 թ. աշնանը «Վաթանի» կուսակցության «քաղաքացիական» և «զինվորական» թեւերի վերամիավորման հանգամանքները:

Ետթաուֆիքյան ժամանակաշրջանում Երեւելիների ժողովի ցրումից հետո «Ազգային հայտագիրն» ստորագրած ֆեոդալ ազնվականները իրավիճակը քննարկելու համար հաճախ էին գաղտնի հավաքներ գումարում Խսմայիլ Ռազիբի Կահիրեի, կամ էլ Ալի ալ-Բաքրիի Հելուանի արվարձանային ապարանքում, նույնիսկ շարունակում էին իրենց համախումբն անվանել «Վաթանի» կուսակցություն: Այդ հավաքներում է, որ որոշվեց «ազգային կառավարության» ի խնդիր, այլ խոսքով Ռիադի դահլիճի դեմ պայքարում ավելի հիմնավորապես օգտագործել «ֆելլա» սպայությունը: Մի կողմից Մուհամմեդ Սուլթան, Սուլեյման Արազա և Մահմուդ Ֆահմի ազնվական զորավար-փաշաների ու մյուս կողմից Ահմեդ Օրաբի, Աբդ ալ-Ալ ալ-Հիլմի (կամ Հաշիշի) և Ալի Ֆահմի «ֆելլա»—կալվածատեր զնդապետ բեյերի միջև աշնանը Հելուանում կայացած հանդիպումներից էլ ծնվեց «Հելուանի ընկերությունը», որը հաճախ ընկալվում է որպես ոչ թե նվաղելու վրա եղող «Վաթանի» սկզբնական կուսակցության կյանքում մի նոր փուլ ու նոր որակ, այլ առաջինին փոխարինելու եկած էապես նոր մի կուսակցություն: Մեր կարծիքով այդ տեսակետի կողմնակիցները, այդ թվում նախ և առաջ Գ. Ներսեսովը, իրադարձությունների սոսկ տեսանելի մակերեսից են ելնում և ըստ էության շրջանցում են խորքը, երբ պնդում են, որ Հելուանի «ընկերությունը» դարձավ ազգային շարժման քաղաքացիական

(այն է՝ չափավոր) և զինվորական (վաթանիական) թեքերի ժամանակավոր միավորման քաղաքական ձևը»⁴⁵։ Այդ տեսակետի առավել ծաւրահեղ կողմնակից Լ. Ռաթմանն անկասկած առավել ակնհայտ թյուրիմացության մեջ է, երբ փաստորեն 1879 թ. ամռան ամիսներին է տեղադրում Հելուանում և իրր Ռադգային շարժմանը ընդհանուր հիմք ու ղեկավարութուն տալու ձգտող սպաների նախաձեռնությամբ ապրիլի 2-ի «Ազգային հայտագրի» հիմքի վրա «Վաթանի» կուսակցության ստեղծումը։ Ավելին, Ռաթմանը «Հելուանի ընկերության» շրջանակներում «մեծամասնություն» է դուրս բերել «բուրժուա-արմատական և հասարակության մեջ իրենց տեղն ապահովել կտրուկ պահանջող տարրերին», երկրորդ տեղը տալով սպայությանը, տարակրոն հոգեւորականությանը և հողատեր ազնվականությանը, ըստ որում վերջիններս «մի քանի ամիս անց միայն», նոյեմբերի 4-ի նախօրյակին, «կուսակցության ղեկավար պաշտոններում մթափնվել են սպաների կողմից»⁴⁶։ Իրականությունն այն է, որ «Հելուանի ընկերությունը» դարնանր «ալ-Լաիհայի» շուրջ համախմբված և Թաուֆիքի գահակալությունից հետո ժամանակավորապես տարանջատված երկու խմբավորումների (և այս անգամ էլ ոչ-տեական) վերախմբավորումն էր նշանավորում պարզապես։ Այս պայմաններում «Վաթանի» — ազգային շարժման երկու ազդեցիկ բեկոնների՝ ֆեոդալ ազնվականության և կալվածատեր սպայության ինչպես գարնանային խմբավորման, այնպես էլ աշնանային վերախմբավորման ծրագրային հիմքերի համեմատումը միայն կարող է օգնել օբյեկտիվորեն բացատրելու իրադարձությունների խորքագաղտնարանը, թույլ տալով նախ և առաջ բացահայտել ամառային տարանջատման հիմքը։

Այդպիսի համեմատություն կատարելու գործում մեզ կարող է օժանդակել այն իրողությունը, որ «Հելուանի ընկերությունն» ստեղծեց մի կոմիտե, որը և նույն 1879 թ. նոյեմբերի 4-ին հրապարակեց մի նոր «ալ-Լաիհա ալ-վաթանիյա»՝ պատմագրությանը որպես «Վաթանի (Ազգային) կուսակցության մանիֆեստը» անվամբ ծանոթ փաստաթուղթը⁴⁷։ Նոր «ալ-Լաիհայի» մշակման գործում հիմնական ավանդը Օբաբիի կողմից երկրորդ պլան մղված, այլ սպայական կազմակերպության՝ տեսաբանը մնացող Ալի առ-Ռուբիի հետ պատկանում էր ալ-Բարուդիին⁴⁸։ Յոթնամյա հեռավորությունից, ահա, երկրորդ «ալ-Լաիհան» փաստորեն, ճիշտ է՝ ավելի ընդհանրորեն և սակայն շեշտադրամբ, կրկնում էր առաջին «ալ-Լաիհայի» հիմնական բոլոր

դրույթները. իսլամին ու շարիաթին հավատարմություն, երկրի ներքին գործերին օտարերկրյա միջամտությունների և ֆինանսական ստորկացման փորձերի դատապարտում, դեմոկրատական սահմանադրության ընդունման և «Նեղոսի ազգի» իրավունքների պաշտպանության համար պայքարելու վճռականություն, Եգիպտոսի վարչակառավարումը եգիպտացիների ձեռին տեսնելու և ուրեմն բոլոր օտարերկրացիներին պետական ապարատից հեռացնելու, վարչակառավարման և կրթական սիստեմների ռեֆորմ անցկացնելու, նաև բանակի հզորացման պահանջը: «Մանիֆեստը» վերջնագրային ձևով դնում էր «ազգային կառավարություն» կազմավորման հարցը, ընդգծելով. «Այս կուսակցությունը չի կարող օտար ազդեցությամբ ստեղծված կառավարությունը դիտել որպես երկրի ցանկություններին ու կարիքներին համապատասխանող»⁴⁹:

Եթե զանց առնենք ըստ էության կարևոր այն հանգամանքը, որ նոյեմբերի 4-ի «ալ-Լաիհալում» առաջին պլան էր մղված օտարերկրյա ոտնձգություններից երկրի զերծման պահանջը, ապա երկու ծրագրերի միջև կհաստատենք երևութապես անկարևոր թվացող մեկ ու միակ տարբերությունը. նոյեմբերյանը, զանց առնելով ապրիլյանի լոյալության հավաստիքը օսմանականության-սուլթանականության նկատմամբ, շեշտը այս անգամ ևս դնում էր Իսմայիլի հանդեպ հավատարմության վրա. ըստ որում՝ ոչ թե ապրիլյան կառավարող խզիվ Իսմայիլի, այլ արդեն՝ գահընկեց ու վտարանդի Իսմայիլ փաշայի հանդեպ: Նշանակում է, որ «Վաթանի» կուսակցության «քաղաքացիական» և «զինվորական» թևերի ամառային խզման, ուրեմն և աշնանային վերամիավորման ակունքները նախ և առաջ պիտի որոնել օսմանականության-սուլթանականության հարցում կողմերից մեկի տրամադրությունների բարեշրջման շրջանակներում, ըստ որում Իսմայիլի, որպես օսմանյան-սուլթանական կառավարությունից թեկուզ և հարգալիք, այլ Բարձրագույն Դուռն համար տհաճ լինելու աստիճան որոշակի հեռավորություն պահպանելու միտող և հենց Յըլգըզի Քյոշկից էլ հարված ստացած պետական գործչի հանգամանքն անշափ օգնում է պարզեցնելու այդ շրջանակները:

Ի դեպ, Ն. Իվանովը պնդել է, որ «Վաթանի» կուսակցության «քաղաքացիական թևի» պարագլուխ ֆեոդալ ազնվականությունը մինչև Իսմայիլի գահընկեցությունը «քաղաքական-կաղմակերպական որևէ կապ չունեի Արդ ալ-Հալիմ փաշայի կողմնակիցների՝ ընդդիմադրորեն տրամադրված սպանների հետ»⁵⁰: Եթե վերջիններիս նույնացնենք առ-

Ռուրիի դադտնի ընկերության ներսում թվաքանակով փոքրամասնական, այլ ներգործությանը գերակշիռ հակախմայիլական-սուլթանական պաշա բարոդիականների հետ, ապա հեղինակին իրավացի չհամարել շենք կարողու Լվելացնենք, որ ն. Իվանովն ալ-Բարուդին ներկայացրել է որպես փաստական ղեկավարը նաև «Հեղուանի ընկերության»¹, որի շրջանակներում, սակայն, հարկադրվելով օսմանականության-սուլթանականության հարցում տակտիկական ղիջումների գնալ, շերքեզ ղորավար-փաշան նախընտրել է վարագույրի հետևում մնալ և առաջարկեմ մղել Օրաբիին:

«Վաթանի» աշնանային վերահամախմբման կապակցությամբ անհրաժեշտ է, վերջապես, ասել նաև հետևյալը. եթե անմիջականորեն Ռիադի դահլիճի դեմ ու հանուն «ազգային կառավարության» (իսկ հեռանկարում Թաուֆիքի խղիվության դեմ ու հանուն Իսմայիլի վերականգնման) իր պայքարում «քաղաքացիական թեք» սպայական խմբավորման աջակցության կարիքն ունեւ որանից դրդված էլ վերստին միախառնվում էր «զինվորական թեին», ապա ալ-Բարուդին և նրա արբանյակները, այդ թվում Օրաբին, օսմանական-սուլթանական իրենց հրապուրանքից և հակախմայիլական-հալիմասիրական իրենց եռանդից հրաժարված էին ձեանում հավանաբար ոչ առանց Պոլսի թեկագրանքի կամ առնվազն համամտության, պարզապես «վաթանի» ֆեոդալ ազնվականությունը սիրաշահելու և «Վաթանի» կուսակցության, որ և նույնն է՝ «վաթանի»-ազգային շարժման ղեկակետում կանգնելու համառու:

«ВОЕННОЕ КРЫЛО» ЕГИПЕТСКОЙ ПАРТИИ «ВАТАНИ»

Партия «Ватани», являющаяся первой крупной национальной общественно-политической организацией Египта и вообще Арабского Востока, появилась на египетской политической арене в апреле 1879 г., как объединенный фронт разнородных «националистических» («ватанистских») элементов.

Значительную часть подписавших «Национальную программу» фронта деятелей составляли коренные египтяне-младшие офицеры, которые и сформировали «военное крыло» партии.

В статье особое внимание автор обращает на вопросы социальной принадлежности и политической ориентации «военного крыла». Подчеркнуто то обстоятельство, что руководящее ядро младших офицеров принадлежало классу новых землевладельцев. Большое воздействие на нее оказывали военные деятели, связанные убеждениями и интересами с султанской столицей.

- 1 Wilson C. R., Chapters from My Official Life, London, 1916, p. 186.
- 2 В. В. Черновская, Офицерский корпус Египта как социальная группа (1850—1952 гг.).—«Народы Азии и Африки», 1975, № 3, с. 69.
- 3 F. J. Cox, Arabi and Stone.—«Cahiers d'histoire égyptienne», 1956, № 8, p. 163.
- 4 История национально-освободительной борьбы народов Африки в новое время. М., 1976, с. 197.
- 5 عبد الرحمن المفعي، عصر اسماعيل، ج ٢، القاهرة، ١٩٣٧، ص ٢١٨. J. M., Landau, Parliaments and Parties in Modern Egypt, N. Y., 1954, p. 89.
- 6 В. Б. Луцкий, Новая история арабских стран, М., 1965, с. 182.
- 7 Лотар Ратман, Проблемы восстания Араби 1879—1882 гг. в Египте.—«История и экономика стран Арабского Востока», М., 1973, с. 252.
- 8 Colvin Aucland, The Making of Modern Egypt, London, 1906, p. 7—9.
- 9 L'Univers ou Histoire et Description de tous les peuples, de leurs religions, mœurs, coutumes, etc., Paris, 1848, p. III: Egypte Moderne, par P. et H. p. 31, 132, p. 137.
- 10 В. Б. Луцкий, *تاريخ مصر الحديث*, № 144.
- 11 D. A. Cameron, Egypt in the Nineteenth Century or Mehmet Ali and His Successors until the British Occupation in 1882, London, 1888, p. 264.
- 12 Colvin Aucland, *تاريخ مصر الحديث*, № 9.
- 13 Э. У. Лейн, Нравы и обычаи египтян в первой половине XIX в., М., 1982, с. 71—72.

- 14 Colvin Aucland, *Եղիված աշխ.*, էջ 9.
- 15 З. И. Лекин, Развитие основных течений общественно-политической мысли в Сирии и Египте (Новое время), М., 1972, с. 177. *Յէ. Լեկին* A. Hourani, *Arabic Thought in the Liberal Age (1798—1935)*, London, 1962, p. 19.
- 16 Х. И. Кильберг, Восстание Араби-паши в Египте (Антибританское национально-освободительное движение в Египте в 1979—1882 гг.), М.—Л., 1937, с. 123.
- 17 История национально-освободительной борьбы..., с. 193.
- 18 *رفعة العبد، الاسس الاجتماعية للثورة العربية، القاهرة، ١٩٧٧، ص ١٧٢*
- 19 Х. И. Кильберг, *Եղիված աշխ.*, էջ 33.
- 20 Colvin Aucland, *Եղիված աշխ.*, էջ 11.
- 21 Аль-Фахури Ханиа, История арабской литературы, т. 2, М., 1961, с. 335.
- 22 Х. И. Кильберг, *Եղիված աշխ.*, էջ 109.
- 23 Adali Hasan, Documents Pertaining to the Egyptian Question in the Yildiz-collection of the Başbakanlık Arşivi, Istanbul,—, "Political and Social Change in Modern Egypt", London, 1933, p. 59.
- 24 Х. И. Кильберг, *Եղիված աշխ.*, էջ 113.
- 25 История национально-освободительной борьбы..., с. 196.
- 26 *Նույն տեղում*, էջ 201.
- 27 Х. И. Кильберг, *Եղիված աշխ.*, էջ 123.
- 28 История национально-освободительной борьбы..., с. 261.
- 29 Ф. Ротштейн, Захват и закабаление Египта, М.—Л., 1925, с. 89.
- 30 История национально-освободительной борьбы..., с. 201.
- 31 В. Б. Луцкий, *Եղիված աշխ.*, էջ 175—176.
- 32 *Տե՛ս օրինակ*. А. А. Губер, Г. Ф. Ким, А. Н. Хейфец, Новая история стран Азии и Африки, М., 1975, с. 325.
- 33 Х. И. Кильберг, *Եղիված աշխ.*, էջ 34.
- 34 Л. А. Фридман, Развитие капитализма в Египте. М., 1965, с. 34.
- 35 Х. И. Кильберг, *Եղիված աշխ.*, էջ 3.
- 36 В. В. Черновская, *Եղիված աշխ.*, էջ 69.
- 37 Г. А. Нерсесов, Дипломатическая история египетского кризиса 1881—1882 гг. (в свете русских архивных материалов), М., 1979, с. 33.
- 38 Новая история стран зарубежной Азии и Африки. Л., 1971, с. 473.
- 39 Адамба, Социально-экономические позиции крупного купечества в Египте в XVII—нач. XIX вв., «IV всесоюзная конференция арабистов. Тезисы докладов и научных сообщений», Ереван. 1985, с. 75—77.
- 40 Х. И. Кильберг, *Եղիված աշխ.*, էջ 116—117.
- 41 L'Univers ou Histoire et Description..., p. 135.
- 42 В. В. Черновская, *Եղիված աշխ.*, էջ 69.
- 43 Colvin Aucland, The Making of Modern Egypt, p. 9.
- 44 *Նույն տեղում*, էջ 17. *Նաև՝* Henry Dodwell, The Founder of Modern Egypt. A Study of Muhammed Ali Pasha of Cairo, Cambridge, 1931, p. 129.

- 45 Г. А. Нерсесов, *Եղիած աշխ.*, էջ 33.
- 46 Лотар Ратман, *Եղիած աշխ.*, էջ 356.
- 47 A. Abde'-Malek, Ideologie et renaissance nationale. L'Egypte Moderne, Paris, 1969. p. 428—435.
- 48 Лотар Ратман, *Եղիած աշխ.*, էջ 271, ծան. 62.
- 49 A. Abdel-Malek, *Եղիած աշխ.*, էջ 129.
- 50 История национально-освободительной борьбы.... с. 197.
- 51 Նույն տեղում, էջ 201.